

司諫尹文舉拜職上疏上送奉啓 答曰省疏其悉爾其勿辭
調理上來○夜一更二更裴方南方有彗如火光○引見時兵曹
判書元斗杓而啓臣傳聞南來之言則全羅兵使趙必
達以金堤人巡到本郡時不輟前導鼓吹郡守沈玘因
此發怒必達之父時年九十而卽差卿任以爲折辱之
地云臣欲爲直請罪而傳聞未必盡實全羅監司今方下
去使之查覈啓聞後處置何如 上曰聞來疎然依爲之又所
啓武臣中秩高無故之人甚少試官擬望之際亦多有艱罷
散中罪名深重者則不敢輕議而如李元老當初罪名稍輕
似當有破格之事矣 上曰李元老異於他人別爲叙用又所啓
近來災異疊作收用人材爲當今第一務臣竊聞外間物論則
尹鎬學識俱備無通時務案合擢用許厚可用之事亦已陳
之臣曾忝尸曹時厚爲郎官頗有紀律如此之人或不寡閑之
暇召同治道如其可用則用之雖不可用亦不失副衆望也
上曰尹鎬頃除諮議旣爲下謫許厚言于該曹付職可也